



Bosnia and Herzegovina
Federation of Bosnia and Herzegovina

CANTON SARAJEVO
Management of the Merchandise Reserves

Broj: 04-25-87-2/24
Sarajevo, 01.08.2024. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), čl. 17. i 87. stav (3) Zakona o javnim nabavkama Bosne i Hercegovine („Službeni glasnik Bosne i Hercegovine“, br. 39/14, 59/22 i 50/24), direktorica Direkcije za robne rezerve Kantona Sarajevo donosi:

Odluku o Drugoj izmjeni i dopuni odluke plana javnih nabavki za budžetsku 2024. godinu

Član 1.

Ovom odlukom vrši se izmjeni i dopuna Plana javnih nabavki Direkcije za robne rezerve Kantona Sarajevo za period od 01.01.2024. godine – 31.12.2024. godine broj: 04-25-87/24 od 22.02.2024. godine koja glasi:

- Stavka broj 10 se briše.
- Iza stavke pod rednim brojem 35. dodaju se stavke pod rednim brojem 36., 37. i 38. koje glase:

36.	Nabavka paletnih regala	39173000-5	23.200	Budžet Kantona Sarajevo za 2024. godinu	Konkurentski zahtjev	
37.	Dodatna nabavka namještaja	39000000-2	4.870	Budžet Kantona Sarajevo za 2024. godinu	Direktni sporazum	
38.	Dodatna nabavka usluge transport roba	60180000-3	4.000	Budžet Kantona Sarajevo za 2024. godinu	Direktni sporazum	

Član 2.

Ova se Odluka prilaže Planu javnih nabavki Direkcije za robne rezerve Kantona Sarajevo za period od 01.01.2024. godine – 31.12.2024. godine i čini njegov sastavni dio.

Član 3.

Ova Odluka stupa na snagu danom donošenja.

O b r a z l o ž e n j e

Direkcija za robne rezerve Kantona Sarajevo (u daljem tekstu: Direkcija) uslijed nepredviđenih okolnosti koje se odnose na poteškoće u poslovanju prinuđena je da u kratkom roku izvrši preseljenje na drugu adresu. Naime, zbog neuslovnog kancelarijskog i skladišnog prostora, Direkcija je pristupila iznalaženju novih prostorija i za navedeno je dobila saglasnost Vlade Kantona Sarajevo.

Nakon što je Direkcija pronašla odgovarajući kancelarijski i skladišni prostor, te dobila saglasnost Vlade Kantona Sarajevo za preseljenje, s obzirom da je riječ od drugačijem prostoru javila se potreba za nabavkom paletnih regala, te namještaja za uposlenike Direkcije. Također, obzirom na prirodu poslovanja Direkcije, nužno je organizovati i prevoz uskladištene robe.

Kako se pri izradi Plana javnih nabavki za 2024. godinu nije moglo predvidjeti da će do potrebe za preseljenjem doći u kratkom roku, Plan nije predviđao nabavku paletnih regala, te također nije bio predviđen ni viši iznos za nabavku namještaja i transport uskladištene robe.

S obzirom na sve gore navedeno, donesena je odluka kao u dispozitivu.

Pripremio: Eldin Šarić, pomoćnik direktorice



Dostaviti:

1. Direktorica,
2. Sektor za opšte, pravne i zajedničke poslove,
3. Sektor za finansijsko-računovodstvene poslove,
4. Sektor za robne rezerve
5. A/a.